

Morning Dogri (NSD) National News Bulletin 17-01-2025

आकाशवाणी

- प्रधानमंत्री नरेन्द्र मोदी होर अज्ज नमीं दिल्ली च भारत मोबीलिटी ग्लोबल एक्पो-2025 दा उद्घाटन करगंन।
- राष्ट्रपति द्रौपदी मुर्मू होर अज्ज राष्ट्रपति भवन च 2024 ब'रे दे राष्ट्रीय खेड्ड पुरस्कार भेंट करगंन।
- दिल्ली असैंबली चुनाएं च नामांकन पत्र दाखल करने दा अज्ज खीरी ध्याड़ा ऐ।
- दिल्ली-एनसीआर च ब्हाऊ दी गुणवत्ता च सुधार गी दिक्खदे होई ग्रेडिड रिसपांस एक्शन प्लान दे चौथे गेड़ गी हटाई दित्ता गेआ ऐ।
- भारत दे इलैक्ट्रानिक निर्यात च दिसम्बर 2024 च 35.11 फीसदी दा बाद्धा होआ ऐ।
- इंडिया ओपन बैडमिंटन दे महिला सिंगल्स क्वार्टर फाइनल च अज्ज पी.वी.सिंधु ते इंडोनेशिया दी ग्रेगोरिया मारिस्का तुनझुग दे बश्कार मकाबला होग।

<><><><><><>

PM-Mobility

प्रधानमंत्री नरेन्द्र मोदी होर अज्ज नमीं दिल्ली च भारत मोबीलिटी ग्लोबल एक्पो-2025 दा उद्घाटन करगंन। 6 रोजा इस एक्पो च 9 शा मते शो होंगन। 20 थमां मते सम्मेलन ते मंडपम आयोजित कीते जांगन। एह्दे कन्नै गै एक्पो च मोबीलिटी क्षेत्र च नीतिएं ते पैहलकदमिं गी प्रदर्शत करने लेई राज्ये दे सत्र बी होंगन, तां जे उद्योग ते क्षेत्रीय सतरें बश्कार सैह्योग होर मजबूत बनाया जाई सकै। इस एक्पो च कुल संसारी महत्व उप्पर चेचा ध्यान दित्ता जाग ते एह्दे च पूरी दुनिया थमां प्रदर्शक हिस्सा लेंगन। भारत मंडपम च आयोजित एह् देश दा सब्बनेथमां बड्डा मोबीलिटी एक्पो ऐ ते एह्दा विषय ऐ "हद्दे कोला परे भविक्ख दी आटोमोटिव मूल्य श्रृंखला दा सांझे तौरा उप्पर निर्माण"।

<><><><><><>

PM-Svamitva Scheme

प्रधानमंत्री नरेन्द्र मोदी होर कल 10एं राज्यें ते दऊं केन्द्र शासत प्रदेशें दे जहार कोला मते ग्राएं च स्वाभित्व योजना तैहत जायदाद दे मालकें गी वीडियो कांफ्रेंसिंग राएं 65 लक्ख कोला मते जायदाद सरबंधी कार्ड बंडगन। एह स्कीम प्रधानमंत्री हुंदे आस्सेआ शुरू कीती गई ही, एहदा मकसद उन्नत ड्रोन तकनीक राएं तैआर जायदाद दे रिकार्ड दा अधिकार मुहैया करिये ग्रामीण भारत दे आर्थिक विकास च बाद्धा करना ऐ।

<><><><><><>

President

राष्ट्रपति द्रौपदी मुर्मू होर अज्ज राष्ट्रपति भवन च 2024 ब8रे दे राष्ट्र खेड्ड पुरस्कार भेंट करगन। विश्व शतरंज चैंपियन डी.गुकेश, पैरिस ओलंपिक च डबल मैडल लिप्तने आली मनु भाकर, भारतीय हॉकी टीम दे कप्तान हरमनप्रीत सिंह ते पैरिस पैरा ओलंपिक च सुन्ने दा तगमा जित्तने आले प्रवीन कुमार होरें गी मेजर ध्यान चंद खेल रत्न पुरस्कार दित्ता जाग। 32एं खडारिएं गी अर्जुन पुरस्कार दित्ता जाग। 2024 ब8रे दी पैरा आलंपिक खेड्डें च कैह दा तगमा जित्तने आले जम्मू दे तीरंदाज राकेश कुमार होरें गी बी अर्जुन अवार्ड दित्ता जाग।

<><><><><><>

President Singapur

सिंगापुर दे राष्ट्रपति थर्मन शनमुगरतनम होरें जंदी संजा राष्ट्रपति द्रौपदी मुर्मूद हुंदे कन्नै नमीं दिल्ली च गल्लबात कीती। दवै लीडरें भारत सिंगापुर दी व्यापेक सामरिक भ्याली गी होर मजबूत करने बारे चर्चा कीती। इस दरान आर्थिक सैहयोग ते क्षेत्रीय मुद्दें उप्पर बी तफसीली चर्चा कीती गई। प्रधानमंत्री नरेन्द्र मोदी होरें बी सिंगापुर दे राष्ट्रपति हुंदे कन्नै मलाटी कीती ते आपसी सैहयोग बधाने ते सैमी कंडक्टर डिजीटीलीकरण ते संपर्क राबता बधाने दे मुद्दे उप्पर बचार बमर्श कीता। सिंगापुर दे राष्ट्रपति होर 5एं दिनें दे दौरे उप्पर भारत आए दे न ते अज्ज ओडिशा दे 2 दिनें दे दौरे पर होंगन।

<><><><><><>

Republic Day

इंडोनेशिया दे राष्ट्रपति प्रबोवो सुबिआंतो होर इस ब8रे 76में गणतंत्र दिवस च मुख परौहने होंगन। प्रधानमंत्री नरेन्द्र मोदी हुंदे साद्दे उप्पर राष्ट्रपति सुबिआंतो होर ओंदी 25 ते 26 जनवरी गी भारत दे दौरे उप्पर होंगन। विदेश मंत्रालय मूजब पिछले बरे अक्तूबर च राष्ट्रपति दा औहदा सीाने मगरा प्रबोवो हुंदा भारत दा एह पैहला दौरा होग। भारत ते

इंडोनेशिया बश्कार बड़े निग्गर सरबंध न ते इस दौरे करी दवै मुलखें गी क्षेत्रीय ते आपसी हितें आले मुद्दें गी होर मजबूत करने दा मौका थहोग।

<><><><><><>

Delhi Nomination

दिल्ली असैंबली चुनाएं च नामांकन पत्र दाखल कराने दा अज्ज खीरी ध्याड़ा ऐ। ऐल्ले तोड़ी कल 841 नामांकन पत्र दाखल होई चुके दे न। नामांकन पत्र दाखल करने दी प्रक्रिया इस म्हीने दी 10 तरीक गी शुरू होई ही, जदके मेदवार संगारे तोड़ी अपने नामांकन वापस लेई सकदे न। दिल्ली असैंबली दे चुनाएं च अगले म्हीने दी 5 तरीक गी वोट पाए जाने न, 8 फरवरी गी वोटें दी गिनतरी कीती जानी ऐ।

<><><><><><>श

Grap-4

ब्लाऊ दी गुणवत्ता च सुधार गी दिखदे होई ब्लाऊ दी गुणवत्ता प्रबंधन कमीशन नै पूरे राष्ट्रीय राजधानी क्षेत्र च तुरत प्रीाव कन्नै ग्रेडेड रिस्पांस एक्शन प्लान ग्रैप दे चौथे गेड़ गी हटाई दित्ता ऐ। ग्रैप मुत्तलक ाब-कमेटी नै कल अपनी बैठक च हालात दा जायजा लैने मगरा एह फैसला लैता ऐ। कमेटी नै आखेआ ऐ जे दिल्ली दी ए.क्सू.आई च लगातार सुधार होआ करदा ऐ। कल दिल्ली च ए.क्यू.आई 302 दर्ज कीती गई जेहड़ी ग्रैप-4 लागू करने लेई सुप्रीम कोर्ट आस्सेआ तैह कीते गेदे मानदंड थमां 98 अंक घट्ट ऐ। एहदे च एह बी आखेआ गेआ ऐ जे संशोधित ग्रैप दे गेड़ 3, 2 ते 1 दे तैहत सब्बै कारवाइयां लागू रोंहगन ते इसी लागू करने, निगरानी ते समीक्षा पूरे एनसीआर च सब्बै मुत्तलका अजेंसिएं आस्सेआ कीती जाग तां जे एह जकीनी बनाया जाई सकै जे ब्लाऊ दी गुणवत्ता दा स्तर होर झीगड़ा नेई जा।

<><><><><><>

Electronics Export

भारत दे इलैक्ट्रानिक निर्यात च दिसम्बर 2024 च 35.11 फीसदी दा बाद्धा होआ ऐ, लेहड़ा पिछले ब'रे इस्सै म्हीने दे 2.65 बिलियन डॉलर थमां बधियै दऊं ब'रे दे सब्बने कोला उच्चे स्तर 3.58 बिलियन डॉलर पुज्जी गेआ ऐ। बंज बपार सरबंधी मंत्रालय नै आखेआ जे एह उच्च मुल्ल आले भारतीय समेयाने दी विदेशें च होए दे बाद्धे ते घरेलू उत्पादन समर्थ च

बाद्धा गी दस्सदा ऐ। मजूदा माली ब'रे दे अप्रैल-दिसम्बर म्हीने दी अवधि च मुल्खै दे इलैक्ट्रानिक निर्यात च 28.6 फीसदी दा बाद्धा होआ ऐ। एह 26.11 बिलियन डॉलर तोड़ी पुज्जी गेआ ऐ। 2023'-24 च इस्सै अवधि दरान एह 20.3 बिलियन डॉलर हा।

<><><><><><>श

Badminton

इंडिया ओपन बैडमिंटन दे महिला सिंगल्स च अज्ज नमीं दिल्ली दे के.डी.यादव इंडोर स्टेडियम च पी.वी.सिंधु ते इंडोनेशिया दी मारिस्का बश्कार मैच खेड्डेआ जाग। मर्दे दे सिंगल्स क्वार्टर फाइनल च बी अज्ज किरण जॉर्ज ते चीन दे वेंग हुंदे बश्कार मकाबला होग। तोआई मर्दे दे डबल्स क्वार्टर फाइनल च अज्ज सात्विक सांइराज रंकी रेड्डी दा मकाबला साउथ कोरिया दे जिन कन्नै होग।

<><><><><><>श

WPL

बीसीसीआई नै महिला प्रीमियर लीग 2025 दे मते चिरे थमां बलगे जा'रदे मैचें सरबंधी कार्यक्रमें गी जारी करी दित्ता ऐ। डब्ल्यूपीएलदे त्रीये सीसन दे मैच 14 फरवरी गी बरोडा दे बीसीए स्टेडियम च रॉयल चैलेंजर बेंगलोर ते गुजरात जॉयंटस बश्कार मकाबले कन्नै शुरू होग। सारे मैच संजा साढ़ं 7 बजे शुरू होंगन। फाइनल मैच 15 मार्च गी मुंबई च खेड्डेआ जाग।

<><><><><><>